



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 136. Parisiensis Senatus sententia adversus Natalem Baudinotum
Religiosum.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

cem, apud illos ingens sibi nomen comparaverat non modo generis sui nobilitate utpote præcipuis regni familiis propinquus, sed præcipue summa dexterritate, qua sibi regnante Henrico Navarrae Rege jamjam Tribuni dignitatem emeruerat; quapropter haud mirum, quod adeo vastæ indolis Vir prompte omnes Protestantes uniendi consilium conceperit: quamvis ejus conatibus prosper omnino successus defuerit, eoquod Lutherani, licet una omnes confessiones fidei communi suffragio immutari consenserint, adeo tamen pertinaces suis erroribus inhæserint, ut suas fidei confessiones nullatenus immutari paterentur, sed integras, eademque relinqui peterent, perinde acsi purum Dei Verbum continerent, cui nihil addere, aut demere licet.

Sæcul. XVI.

A.C. 1578.

§. CXXXVI.

*Parisiensis Senatus sententia adversus
Natalem Baudinotum Religiosum.*

Cum eodem tempore quidam Ordinis sancti Benedicti Alumnus nomine Natalis Baudinotus ex Monasterio Cluniacensi in sua Thesi, quam in Sorbonnæ Collegio propugnabat, quasdam propositiones Regi injuriosas effutisset, Senatus Regis jussu hunc Religiosum com-

*Argentre
Coll. jud.
de novis err.
t. 2. p. 450.*

Sæcul. XVI. comparere jussit, qui die septima Ja-
 nuarii ad quæstionem vocatus in Prio-
 ratu sancti Martini de Campis inclusus
 est, ibidem hæere jussus, donec
 aliter de eo decerneretur: cum vero
 præfatus Natalis Baudinetus, sese a Fa-
 cultatis Decano eoque supremo pariter
 Collegii Navarrici Magistro, nomine Pel-
 letario, necnon a Fabro Syndico, &
 a Doctoribus Balesdensio, & Huarto
 sancti Sulpitii Parocho sollicitatum fuisse
 assereret, hinc ex Regis mandato pari-
 ter hi quatuor Doctores altera die com-
 parere jubebantur: die autem octava
 ejusdem Mensis iisdem auditis, re-
 gii Ministri eorum responsa excipie-
 bant. Postea die decima sententia fe-
 rebatur, vi cujus præceptum, ut præ-
 fatus Baudinetus adhuc magis exacte
 interrogaretur, nominatis vero Docto-
 ribus fuit inhibitum, ne de Parisiensi
 urbe, ejusque suburbiis excederent.
 Demum die quarta Februarii quæstus
 est Rector de quibusdam Religiosis, qui
 in Theologica Facultate Licentiati gra-
 dum obtinebant, absque eo, quod fi-
 dem ipsimet Rectori, & Academiæ ju-
 rassent, quapropter ut huic corruptelæ
 remedium opponeretur, comitiis apud
 Mathurinòs habitis prohibitum est, ne
 quis Baccalaureus, nedum Licentiatus
 in ulla Facultate crearetur, nisi Aca-
 demia

demiæ de data fide, quam vulgo dicunt Scholasticum Juramentum, prius confiterit. Præterea Universitatis Cancellario injunctum, ut huic decreto morem gerat, ac Universitatis nomine in omnes illos, qui sese huic statuto subicere recusabunt, animadvertat.

Sæcul. XVI.
A. C. 1576.

§. CXXXVII.

Continuata Michaelis Bajæ causa.

Jam ab anno Domini millesimo quingentesimo septuagesimo quinto Michael Bajus, quamvis ob suam doctrinam graves vexationes experiri cogere-
retur, nihilominus in Universitate Lovaniensi Cancellarius, atque Ecclesiæ Collegiæ ad sanctum Petrum Decanus renuntiabatur: hac igitur dignitate ornatus, & publice differere obstrictus, orationem in Scholis Theologicis habuit, in qua demonstratum ibat, quod omnes Episcopi suam jurisdictionem a Deo *immediate* recipiant, insuper cum in quadam exercitatione dixisset, quod ex his Christi verbis: *Ego pro te rogavi Petre, ut non deficiat fides tua, non clare* Luc. 22. v. 32. consequatur, quod Romanus Pontifex in suis definitionibus non possit errare: Laurentius Westerhove, majoris Collegii Moderator utramque hanc propositionem adeo iniquo tulit animo, ut eam non abiurdam modo, sed & scandalo-

Bajana
pag. 203.